

209

Na temelju članaka 5. i 29. Zakona o Vadi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u svezi sa člankom 5. točka f) Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, broj: 10/08), Vlada Tuzlanskog kantona, na sjednici održanoj dana 08.04.2014. godine, d o n o s i

ODLUKU**o osnivanju Kantonalnog štaba civilne zaštite****I. OSNOVNE ODREDBE****Članak 1.**

Ovom odlukom osniva se Kantonalni štab civilne zaštite (u daljem tekstu: Kantonalni štab), kao poseban operativno-stručni organ Tuzlanskog kantona (u daljem tekstu: Kanton), uređuje njegov djelokrug rada, unutarnja organizacija, popuna, financiranje, opremanje, obučavanje i osposobljavanje i druga pitanja od značaja za organizaciju i rad Kantonalnog štaba.

II. NADLEŽNOST KANTONALNOG ŠTABA I NAČIN OSTVARIVANJA FUNKCIJE**Članak 2.**

Kantonalni štab vrši nadležnosti utvrđene zakonima i podzakonskim aktima.

Kantonalni štab funkcioniра stalno kada Vlada Tuzlanskog kantona proglasi nastanak prirodne ili druge nesreće na području Kantona, tako što izravno rukovodi akcijama zaštite i spašavanja ljudi i materijalnih dobara, pa do momenta kada proglasi prestanak takvog stanja ili odluči da Kantonalni štab funkcioniра dok se ne izvrši saniranje nastalih posljedica i stvore uvjeti za normalan život i rad ljudi na ugroženom području.

Kantonalni štab funkcioniра i mimo slučajeva iz stavka 2. ovog članka, povremeno i prema potrebi, a naročito:

- razmatra stanje priprema, organiziranost, opremljenost i osposobljenost za zaštitu i spašavanje svih nositelja zaštite i spašavanja na području Kantona,
- predlaže mjere za dogradnju sustava zaštite i spašavanja,
- djeluje preventivno u cilju sprečavanja nastanka prirodne ili druge nesreće,
- učestvuje u vježbama i drugim vidovima obučavanja i osposobljavanja,
- obavlja i druge poslove utvrđene zakonom i drugim propisima.

Kantonalni štab, u slučaju nesreće, pruža pomoć općinama i drugim kantonima, na poziv njihovih štabova civilne zaštite i Federalne uprave civilne zaštite, sukladno zakonu.

Kantonalni štab odlučuje o pružanju pomoći općinama i regijama Republike Srpske, na zahtjev Republičkog štaba ili regionalnih štabova civilne zaštite Republike Srpske, sukladno Sporazumu o suradnji u ostvarivanju zadataka civilne zaštite („Službene novine Federacije BiH“, broj: 36/01).

U hitnim slučajevima, kada se Kantonalni štab ne može sastati, odluku o pomoći iz stavaka 4. i 5. ovog članka donosi komandant Kantonalnog štaba, na prijedlog načelnika štaba.

Kantonalni štab vrši poslove iz svoje nadležnosti samostalno i za svoj rad je odgovaran Vladi Tuzlanskog kantona.

III. UNUTARNJA ORGANIZACIJA KANTONALNOG ŠTABA**Članak 3.**

Kantonalni štab čine komandant, načelnik i 11 članova.

Članak 4.

Premijer Kantona ili ministar, kojeg odredi premijer, je po položaju komandant Kantonalnog štaba.

U slučaju da je komandant štaba ministar iz ministarstva koje daje člana štaba, kako je to utvrđeno u članku 7. ove odluke, neće se vršiti popuna člana iz tog ministarstva.

Članak 5.

Ravnatelj Kantonalne uprave civilne zaštite (u daljem tekstu: Kantonalna uprava), po položaju je načelnik Kantonalnog štaba.

Članak 6.

Sekretar Crvenog krsta/križa Tuzlanskog kantona je po funkciji član Kantonalnog štaba.

Članak 7.

Članovi Kantonalnog štaba su:

1. ministar ili rukovodeći državni službenik u Ministarstvu unutarnjih poslova - zadužen za policiju,
2. rukovodeći državni službenik u Ministarstvu industrije, energetike, i rudarstva - zadužen za industriju, energetiku i rudarstvo,
3. rukovodeći državni službenik u Ministarstvu zdravstva - zadužen za zdravstvo,
4. rukovodeći državni službenik u Ministarstvu prostornog uređenja i zaštite okolice -zadužen za prostorno uređenje i zaštitu okolice,
5. rukovodeći državni službenik u Ministarstvu poljoprivrede, šumarstva i vodoprivrede -zadužen za poljoprivredu, vodoprivredu i šumarstvo,
6. rukovodeći državni službenik u Ministarstvu trgovine, turizma i saobraćaja - zadužen za saobraćaj,
7. rukovodeći državni službenik u Ministarstvu financija - zadužen za financije,
8. sekretar Kantonalne uprave - zadužen za obuku, planiranje i opće poslove,
9. pomoćnik ravnatelja Kantonalne uprave - zadužen za mjere zaštite i spašavanja,
10. šef Kantonalnog operativnog centra - zadužen za osmatranje, obavještanje i uzbunjivanje,
11. stručni savjetnik za deminiranje i NUS-a – zadužen za deminiranje i NUS-a.

Članak 8.

Komandanta, načelnika i članove Kantonalnog štaba postavlja i razrješava Vlada Tuzlanskog kantona, na prijedlog ravnatelja Kantonalne uprave.

Ravnatelj Kantonalne uprave dužan je prijedlog prethodno usuglasiti sa premijerom Kantona i rukovoditeljima kantonalnih organa iz kojih se imanuju članovi štaba, uz obvezu poštivanja uvjeta iz članka 7. ove odluke.

Mandat članova Kantonalnog štaba je vezan za mandat Vlade Tuzlanskog kantona, a funkcionira dok se ne imenuje novi sastav štaba.

Pitanje naknade za učešće u radu Kantonalnog štaba, uredit će se posebnim aktom Vlade Tuzlanskog kantona.

Članak 9.

U izvršavanju složenijih zadataka zaštite i spašavanja, Kantonalni štab može angažirati i druge državne službenike iz kantonalnih organa uprave i eksperte na profesionalnom radu u znanstvenim ustanovama i drugim pravnim osobama.

O angažiranju osoba iz stavka 1. ovog članka odlučuje komandant Kantonalnog štaba, na prijedlog načelnika ili nekog od članova Kantonalnog štaba.

Članak 10.

Sjednice Kantonalnog štaba saziva i njima predsjedava komandant Kantonalnog štaba.

U slučaju da je komandant spriječen da vrši svoju funkciju, sjednice Kantonalnog štaba saziva i predsjedava im načelnik Kantonalnog štaba.

Kantonalni štab donosi poslovnik o svom radu.

Članak 11.

Kantonalni štab ima pečat, koji je okruglog oblika i sa ispisanim tekstom:

„Bosna i Hercegovina - Federacija Bosne i Hercegovine, TUZLANSKI KANTON, KANTONALNI ŠTAB CIVILNE ZAŠTITE TUZLA“.

Tekst je ispisan u koncentričnim krugovima latinicom i ćirilicom.

Članak 12.

Sjedište Kantonalnog štaba je u Tuzli, a sjednice se održavaju u mjestu određenom u poslovniku o radu Kantonalnog štaba.

IV. OBAVLJANJE STRUČNIH POSLOVA ZA KANTONALNI ŠTAB

Članak 13.

Funkciju stručne službe Kantonalnog štaba vrši Kantonalna uprava.

U vršenju poslova u funkciji stručne službe, Kantonalna uprava obavlja stručne, administrativne, tehničke i druge poslove neophodne za rad Kantonalnog štaba, što se bliže utvrđuje Pravilnikom o unutarnjoj organizaciji Kantonalne uprave.

V. OPREMANJE I FINANCIRANJE KANTONALNOG ŠTABA.

Članak 14.

Kantonalni štab se oprema odgovarajućom opremom i materijalno-tehničkim sredstvima, koja su neophodna za osobnu zaštitu članova štaba i za izvršenje zadataka iz njegove nadležnosti.

Članak 15.

Sredstva za financiranje Kantonalnog štaba osiguravaju se u proračunu Kantona, kao i iz sredstava iz članka 180. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), te iz donacija.

Naredbodavac za raspolaganje finansijskim sredstvima je ravnatelj Kantonalne uprave, a na temelju odluka i zaključaka Kantonalnog štaba.

VI. PRIJELAZNE I ZAVRŠNE ODREDBE

Članak 16.

Imenovanje komandanta, načelnika i članova Kantonalnog štaba izvršit će se najkasnije u roku od 15 dana od dana stupanja na snagu ove odluke.

Članak 17.

Danom stupanja na snagu ove odluke prestaje da važi Odluka o osnivanju Kantonalnog štaba civilne zaštite („Službene novine Tuzlanskog kantona“, br. 12/09, 6/12 i 2/13).

Članak 18.

Ova odluka stupa na snagu danom donošenja i ista će biti objavljena u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
VLADA

PREMIJER KANTONA

Prof. dr. Bahrija Umihanić, v.r.

Broj: 02/1-34-7179/14
Tuzla, 08.04.2014. godine

598

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u vezi sa članom 5. tačka f) Zakona o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine Tuzlanskog kantona“, br. 10/08 i 8/15), Vlada Tuzlanskog kantona, na sjednici održanoj dana 08.09.2015. godine, d o n o s i

O D L U K U**o dopuni Odluke o osnivanju
Kantonalnog štaba civilne zaštite****Član 1.**

U Odluci o osnivanju Kantonalnog štaba civilne zaštite („Službene novine Tuzlanskog kantona“, br. 6/14 i 9/14), u članu 7. u tačkama 2. do 8., ispred riječi „rukovodeći“ dodaju se riječi „ministar ili“.

Član 2.

Ova odluka stupa na snagu danom donošenja i ista će biti objavljena u „Službenim novinama Tuzlanskog kantona“.

Bosna i Hercegovina
- Federacija Bosne i Hercegovine -
TUZLANSKI KANTON
VLADA

PREMIJER KANTONA

Bego Gutić, v.r.

Broj: 02/1-44-020256-1/15
Tuzla, 08.09.2015. godine